

~~Kat. Koup.~~
589904-
-589927
Mac. St. Dr. III




BIBLIOTHECA
UNIV. JAGELL.
FACULTATIS



589904-589927

Mag^{III} St. Dr.

M. S. S. S. S. S.
Lab. L.



PHÆNIX
SERAPHICIS IN IGNIBUS,

Divino Amore

ÆSTUANS,
DIVINISSIMUS
BONAVENTURA,
DOCTOR SERAPHICUS,

S. R. E. PRESBYTER CARDINALIS,
ARCHIEPISCOPUS ALBANENSIS,

Redeunte annua suæ Festivitatis die,

In sacra D. FRANCISCI Basilica,

Celeberrimi Conventus Culmensis,

Præsente Hospitum Corona,

à

M. JACOBO CYRILLO GAJEWSKI, in Alma Uni-
versitate Cracoviensi Philosophiæ Doctore, in Academia
Culmensi, Scholæ Grammaticæ Professore, Ordinario,

Oratoriâ Pennâ

DESCRIPTUS,


Panegyrico Cultu

ADORATUS.

Annô

Quô, Phœnix Christus combustus Amore salutis. 1758.

Die 14. Mensis Julii.



POSNANIÆ, Typis ACADEMICIS.

Quasi Sol refulsit in Templo Dei.

Eccle: 50.

In quo sunt omnes thesauri, sapientiae, & scientiae absconditi. 2. ad Coloss: 3.

Bonaventura omnes sui temporis Doctores, utilitate Operum facile antecellit.

Abbas Trithemius.

Doctrina Sancti Bonaventurae nulla sublimior, nulla diviniore, nulla suavior, nulla salubrior. Joannes Gerson.

589924

III



ADMODUM REVERENDO,
ac
RELIGIOSISSIMO IN CHRISTO PATRI,
P. P E T R O
D U N I N,
SACRÆ THÆOLOGIÆ LECTORI
Sacerrimi Ordinis Prædicatorum,
Conventûs Culmenfis
PRIORI DIGNISSIMO,
Patrono, ac Mecænati Gratiofissimo.

Seraphicus Doctor S. R. E. Cardinalis Bonaventura Divinissimus, nuper de Rostris promulgatus, diu propter se quasiivit locum, diu reclinatorium petebat, ad Te postremo non invitatus venit, Quem uti Hospitem reverenter excipere dignaberis. Admodum Reverende Domine, Prior Dignissime, Mecænas Amplissime. Scio enim Te in Divos pientissimum esse, in Cœlicolas devotissimum, etiam in Divinissimum Bonaventuram hunc affectum monstrabis, illiq; apud Te suam figere stationem permittes, Phoenix est Bonaventura præstantissimus, Tuo Gentilitio Cygno associari percipiens, in Gratosum sinum advolarvit, commodissimè nidificaturus: Divino Amore æstuans est Bonaventura, melius non potuit alibi, quàm apud Te locari, Qui verum es lumen sapientiæ, accensa fax Ecclesiæ, in firmamento Dominicane Religionis nitidissimum sidus, serenam virtutum spargendo lucem, crassas errorum dissipando tenebras, frigida accendendo pectora, ob id unice: ne Zelus erga DEUM, pietas erga superos extinguatur. Verior Flaminius es, Qui solis Mystici circumfusus radiis lucet coram hominibus, semper ra-

men sub velo modestie, sub sipario sanctitatis. Cardinalis Bonaventura Te cardinem probitatum, ac omnigenae perfectionis noscens Theologicarum, ac Cardinalium servatorem, & Propugnatorem maximum non ignorans, apud Te habitare elegit. Non timet in Tuo Gratoso sinu Detractorem famae Gelardum Bonaventura, nec quosvis alios pertimescit Zoilos cum eos à Sancto Phœnice Aviti Cygni proscribunt penna, severum poenalitatis decretum contra tales Cavillatores, ac verius de ca-
osores exarando. Primas Tuas Prior Dignissime non lustrò Cunas, novè enim ex Dignissima Te produsse Familia, ac bonis imò optimis natum esse Parentibus, Qui Tibi satis ad gloriam suffecisse videntur. Talem Te Filium Elisabeth de Stegiellscis, dilecta Genitrix edidit Mundo, ut meliorem si vellet parere non posset. Exististi Corona Domus, ornamè-
tum Familiae, delictum Parentum, sanguine Junctorum solamen, cum non degener ab Illis exististi. Curiosus non investigo Juventutem Tuam, in qua dedisti specimina, Qui qualis quantusvè Maturiori in ævo futurus eras. In parvo corpore nil exiguum præter molem referebas, Illum in pectore fovebas ignem, Qui Te ad amorem Dei, ad omne bonum & honestum incendebat. Studebas à teneris Pietati, incumbebas modestie, vitabas vel maxime otium, obedientiae singularissimus Alumnus, nulli Majorum in minimo refragari audebas. Processisti gravi passu in Literariam arenam eam bonis moribus conseminaturus, Optimam Literis navasti operam, cum his Pietatē junxisti. Nosti enim perbellè, quiddam ibi discitur, ubi virtutes Magisteriū suum non exercent. Nihil prodest, eruditos libare torrentes, ubi Fons Incarnatae Sapietiae deest. Mala Syntaxeos constructio, si mores juxta Regulas honestae vitae non componuntur. Decurrebas, Olympia Scholastica stadiodromus, sed viam mandatorum Domini. Plurimum in Literario profecisti studio, cum de virtute in virtutem, de perfectione in perfectionē processisti. In Podesi Olorinus dulcia cantica Drammatis, Caelestis Parnassi Sanctiori Apollini Christo gravi modulamine decantabas In Rhetorica, nulla alia Figura, quam Metaphora frequentissima dum cor à Mundo ad DEUM transferebas. Ut verò Hac Literata virtus magis in Te elucesceret, sub Religiosas abiivisti umbras. Ingredieris bonis avibus, Divi Patris Religionem Dominici, multo virtutum stipatus satellitiò Miles Ecclesiae Militantis acerrimus futurus. Novitium agendo Veteranum presentabas, dum perfectus in omni videbaris. Resolvebat diligentius mente Regulas, Ipsa Religiosa vitae Regula factus, ad exemplum aliorum singula exequebaris alacrius, quae Te Novitium concernebant. Humilitatē ceterarum virtutum pro fundamento posuisti, ad quosvis nutus & usus Patrum promptissimus fuisti. Maximum tuum velle, voluntati Superiorum conformari. Brevis Religiosa professus es Vota, quae statim à primo ingressu adimplēsti. Candidissimo adscitus Ordini verè canon innocentiae dicendus. Nulli non amabilis, nulli non affabilis, sic Patrum adhaesi

fisti cordi, ut Te ob præcipuas dotes singulari prosequerentur affectu.
 Radiasti purissima claritate conscientia, & lucidissimis radiis scientia.
 Ita confederasti Pietatem Sapientia, ut nihil Tibi foret sapientiùs, nisi
 quod Diviniùs, nihil prudentiùs, nisi quod sanctiùs, nihil doctiùs, nisi
 quod rectiùs. Stetisti ad Aras Divinas, Mystica sic suspiriis penetraſti
 Caelos, ut apertis Caeli postibus elementi Terricolas respiceret oculo DE-
 US. Fervet in Te Zelus honoris Divini, plusquam Vestalis Ignis sacra
 de pectore erumpunt flamma, cunctos ad Charitatem Domini incendē-
 tes. Videt hæc in Te Sacra Dominici Familia, ac perbellè sciens, quod
 parùm sepulta distet inertia celata virtus, Te Lectorem Philosophia ad
 Thorunensem Conventum destinavit. Indefessus Professor ea maximè o-
 perabaris, ut Discipuli profectum caperent, quàm uberrimum. Docebas
 clariùs, erudiebas sincerius, instruebas faciliùs, quidquid abditum erat
 aperuisti, quidquid innodatum explicuisti, quidquid difficile facilitaſti,
 quidquid obscurum illuminasti, in Opere Literario æstus sine radio, si-
 ne gravamine onera tollerando. Multa in hoc Lectoratùs Officio tulisti,
 fecisti, sudasti, aſisti, ut Discipuli indies eruditionis summâ accresce-
 rent, indies scientiis augmētarentur. Finito Lectoratùs Tui munere,
 diu diu quietis impatiens, laboribus pro honore Religionis assiduus in-
 præbato Torunensi Conventu Magistrum Novitiorum egisti. Prælucebas
 Religionem Ingredientibus exemplò præprimis Timorem Domini illis in-
 culcādo. Admonebas in omni patientia & doctrina, omni modestia, cō-
 tinentia, obedientia, rescriptarum Regularum ad amussim observatiæ
 Novitior assuefaciebas. Illuminando intellectum illorum, curasti vitio-
 rum caliginem ab Eis removeri. Non hîc adhuc meta laborum Tuorum
 Prior Dignissime majora egisti, quam exili penna describere possum, am-
 pliora operatus es, quàm arcta pagina complecti valet. Ad Ecclesiam
 Parochialem Swierczynscensem, duodecē annis curam animarum admi-
 nistraſti, sed quàm optimè, commissa ovicula Testes oculati. Erudiebas
 rudes præcepta fidei, Regulis Christianæ vitæ imbuebas simplices, ver-
 bo Dei gregem pascendo. In Sacris Exedris Ecclesiasticus Demosthenes
 perorando, Cælesti Svada in cordibus Audientium plantaſti virtutes
 extirpaſti vitia adeò: ut non persuadere dictione, sed animis imperare
 videreris. Nullum exordium Ecclesiastes formasti, quod de Fontib9 non
 duceretur lacrymarum, nullum punctum protulisti ab ore, quod punctu-
 ram in obstinatis pectoribus non formaret. Et quoniam longa est via
 per præcepta, brevis per exempla, faciliùs enim ea percipimus cūm
 Docentem, quæ docet observare videmus. Tu hanc regulam servaſti,
 & ut citiùs instrueres, Te Rudioribus, normam pietatis, omnis perfe-
 ctionis exemplar exhibuisti, moralem vitam vivebas Sanctus, Civilem
 Urbanus. Procul à Te contemptor animus, & commune superbia malum
 cum vilioribus conversabaris, non aliam ob causam, nisi ut Te in mæ-
 sœtutine, humilitate imitari studerent. Archivum Te virtutum ap-

pellari libet, in cuius pientissimo corde monilia probitatum, sub clavis
aliae modestiae asservantur. Acrias de Te pugnarunt virtutes, cuius
praecipuus Alumnus esses, Tu inter illas lites composuisti, certamen di-
remisti cum omnibus suffecisti subiectum earum nuncuparis. Nulla Tibi
occupatio letior, quam Caestia contemplari, scrutari Divina. Jucun-
dior recreatio nulla, quam immortalia monumenta, quae operosus labor
ac ingentes in paginam retulerunt cura revolvere, & invisere. In-
tuendo tandem Conventus Culmensis Tuam in agendo prudentiam, in-
disponendo solertiam, in operando activitatem, Te suum elegit Priorē,
Quem autoritas Patrum confirmavit. Fugiebas diu hunc honorem, sed
precibus Religiosorum convictus suscipere, recusare non debueras ut
prodesse singulis. In hoc Officio quantum communi prospicis bono Tui lo-
quuntur labores, & fatigationes susceptae. Unicum propter Te monu-
mentum non reperis quietum, semper sollicitudine occuparis, semper cu-
ris distrahe is, & ut alii quiescant, Tu inquietaris, ut alii suavem ta-
pian, somnum, Tu invigilas, quia providus Pater, quia boni amanti-
mus es. Multa in hoc Conventu stante Tuo Prioratu crexisti, multa
restaurasti, omnia in suo esse in commodum, & utilitatem Conventus
conser vando, Dilectio decoris Domus Dei, sic Tuo cordi radicata est, ut
eam nulla necessitas eradicare possit. Mundissima altaria vario adorna-
ta decore, non vili contexta apparatu significant, & ostendunt Te esse
Cultus Divini maximum Promotorem. De Patientia quid dicam? en-
Te non semel adversi premunt Casus, non semel mala injuriat fortuna.
Tu tamen forti animo omnia perfers, omnia toleras, omnia sustines, ut
etiamsi cum Anaxarcho tunderis, non contunderis. Magna ex Te Reli-
gioni Sacerrima accedit gloria, longē major aestimatio, cum ubiq; inte-
gritatem publici honoris promoves, dignitatem adauges, famam conci-
lias, & ut celsius emineat, candidior appareat, jam ab anno 1726. a-
liās ab ingressu in Religionem Tui toto virium allaboras conatu. Demo-
omnem assentationis notam, dum Te virum Talem, Qualem Te esse de-
ceat, profere, scilicet in omni perfectum, sine fastu gravem, sine simu-
latione rectum, sine tumore prudentem, sine felle bonum. Tu es Ille
Vir, Quem secutura posteritas praesentibus inuidebit, dum probē gesta
videbit, perpendet merita, laudabilia facta trutinabit. Irem ulterius
in elogia Tua ni scirem, magis Te laudanda agere, quam laudari vel-
le. Si mihi concederet innata Tua modestia, si Religiosa permetteret
humilitas vocarem in paginam Aborigenes Tuos, Quorum famam totus
divulgavit Orbis, dexteritatem laudavit, bene merita in Patriam, &
Ecclesiam perennaturae memoria impressit fastis. Verum perhorresco-
nimium, ne Tuam in minimo ledam modestiam, unde Illos sub rosa si-
lentii repono, Vos tantum commemorare praesumo, SIMON & CON-
STANTINE de Skrzywno D U N I N, Fratres Mecanatis Germani,
Quorum unus Vestrum Bellona consecravit animum, Arte & Marte
stre-

strenuissimus, alter Principibus placere Viris summo conamine studet.
Candidus Vobis pro stemmate cecidit cygnus, nec immerito: Vos enim
pro integritate Patriæ, pro aurea libertate Polona, pro immunitate Le-
gum non ire, sed volare parati. Crimen committerem, ac judicari de-
facto mererer, si Te praterirem Magnifice Domine JOANNES O-
RZELSKI, Assessor Judiciorum Torrestrium Palatinatus Margeburgē-
sis, Qui Tuo affectui, Tuoque cordi sic Prior Dignissimus adhesit, & ad-
hæret, ut cum Illo velut Philades cum Oreste vivas. Tuo Gentilitio
Dria infallibilem fortitur Patria fortunam, quo ludit, & eludit Hostes,
multa Trophæa spoliisque ampla referendo. Non sinistram, & ego capio
sortem, dum Tua liberalitate, Tuâ gratiâ compulsus, hoc opusculum
aggressus sum conscribendum. Multæ enim Tibi à me laudum Apothe-
ses debentur, ut pote: Viro Genere Illustrissimo, ingenio sapientissimo,
prudencia peritissimo, ast meam capacitatem excedunt, mentem exsu-
perant acumen hebetant, & attenuant, felicior Macedone, vel ideo di-
cendus est, quod Ille vix districto ferro Gordium resolveret nodum, Tu
nodosas causas multaque perplexitate involuta negotia, solius acumine
mentis resolves, & explanas. Non dicam hic, quod sis Fidelissimus Di-
væ Astræ Cultor, sic in balance sani judicis causas ponderans, ut nec
in dextram, nec in sinistram propendeat partem. Non me latent Tuæ
egregia facta à Te gloriose peracta, sed hæc in aliud tempus mihi re-
servo, nunc Te solum veneror silencio. Sine poena non essem, si Te exi-
si supprimerem penna, Magnifice Domine GABRIEL ROZYNSKI,
Commissarie Szamotuliensis. Virum Te decumanum prudentiâ, Qui nō
novit ex Tuo discat ore. Inest Tibi ferme à natura congenitum judici-
um, dum quidquid agis, optimum, quidquid disponis laudabile, quid-
quid operaris ex omni parte perfectum. Atrollit Tuam gloriam Sanguine
Junctorum Cygnus, sed majorem longè gestis inquitinis mereris. O-
mnibus in rebus, ut verè dicam es providus, circumspectus, cautus,
consilio felix, cuncta regis jucundissime, ordinas suavissime, moderaris
prudenter. Ad hanc Consanguinitatis Arborem Vestra refertis No-
mina, Magnifici Domini, ALBRACHTE KRUSZYNSKI, Castella-
nida Gedanensis, RAPHAEL SKARBK KOZIETULSKI, Illu-
strissimi, & Excellentissimi Mareschalci Regni Commissarie, Loricata
Cohortis Polona in Exercitu Eques magnanimè. Viri estis ad magna
nati, sanguine nutriti Bellona, spiratis Martem, non timidi pro Patria
mori. Virtutes eximias Vestram, pridem æstimavit Orbis, Historicorū
pennis in Codices relata facta commendavit, & laudavit. Magnus in
Vobis Religionis Zelus, magnus amor Patriæ elucescit. Alia elogia ad
calculus non revoco oratoriam, cum Vos & Superis placuisse, & Os Po-
puli meruisse sciam. Pœnè innumera sunt Nomina Tibi Prior Dignissi-
me Affinitatis juncta nexu, quæ hic non enumero etenim Illis vasa
volumina non sufficiunt. Parce Mecenas Amplissime, si Tuam Religio-
sam

sam modestiam læsi, si profundam humilitatem offendi, innuere
saltim debui, Quorum Gratiâ Bonaventura Divinissimus, luci
publicæ demonstratur. Nec mihi vitio vertas, quòd Te in scio
Laudes Bonaventuræ dedicare præsumpsi, etenim me ad hoc fa-
vor sanguine Junctorum permovit, candor Academicus suasit.
Et particularis meus affectus demandavit. Modò nihil restat,
tantum ut Laudes Divinissimo Bonaventuræ gratiosus admittas.
Ego verò Tibi Philadelphicum præsentò amorem, Et quæ constā-
tius de fovebam in paginam effundo vota, ut Bonaventura Di-
vinissimus, Tibi bona ventura impetret, ac Phœnix diviniore au-
reos omnigenæ sortis suis pennis scribat characteres. Vive sospes
Et incolumis, ac post expletos Nestoris annos, perpetuum videas
serenum.

Ita precor

Nominis, Et Honoris Tui,

Vérus Cultor, & Adorator profundus

Author Operis,



ORATIO.

Baradoxum non esto, nil novi posse dari sub Sole. AA.
Quidquid enim vel Sydereus complectitur axis,
vel liquida Neptuni continent Regna, vel Subso-
lanus habet ambitus, id omne novitatis ethymum
non meretur. Curiositatis gratiâ universum, qua-
late patet per Orbē gradatione feramur Rhetorica,
diversas in partes convertamus oculorum lumina, quatuor Mundi
libeat invisere Plagas, nulla tamen raritas inter tot rerum Imagi-
nes obtutui nostro præsentabitur. Videmus horoscopantem in Zodi-
aco Solem, in hæc sublunaria influere, velocissimo motu suum cur-
sum absolvere, observamus germanam Phæbi Cynthiam crescere, &
decrecere, augeri & diminui, nec non diras pati eclipses, & desinimus
candem cum Mathematicis mirari. Non est novū, quod Orbis Pla-
netæ perpetuò erratico volvuntur motu, & à sua non aberrant sphæ-
ra. Pridem Diva devenit Mathesis, cur? saltent in aëre capræ, cur?
criniti resplendeant Cometæ, cur? corruscantia roboanti sonitu cre-
pent tonitrua, & Orbem increpent Universum. Ignita ardent in
æthere Phænomena, imbrifera nubila irrigant Terram, sed quia ho-
rum rationem percepimus, nullum nobis pariunt stuporem. Scimus
perbelle unde Boreas & Auster surgunt, unde flabra ventorum, un-
de egelidus erumpat Notus, nobis non ignotum. Perpendimus cum
Physicis naturas rerum, altô consideramus Judiciô, ortum ac inte-
ritum, augmentationes & diminutiones, materiam & formam, ea-
rum motum & quietem, observamus species diversas animalium,
herbarum, plantarumq; virtutes, sed hæc omnia benè alii ante nos
trutinarent, perpenderunt. Revocârunt ad calculum Archimedes stel-
las, in cognitionem naturalium devenerunt Plinii, immensitatem

undarum emensi sunt Aristoteles, novum nuper voce populi Mundum, nunc veterem adinvenerunt Columbi, ut quidquam novitate commendatum, secutura posteritas non valeat reperire. Habuit pridem Orbis decumanos sapientiâ viros, Stoam coluit, & Peripatum, Academos adoravit & Gymnasia, plurimos numeravit Literatos, Literarumque alumnos, quorum munimenta per tot sæculorum tractus ad nos usque pervenere. Pridem audivit Orbis perorantes Togata gentis Tullios, fulminantes ore Pericles, mellifluos Isocrates, potentes eloquio Cyneas, fluidos Demosthenes, quos imitari nobis non nisi est concessum. Quidquid tantum eruditæ annotant pennæ, quidquid scholastici exarant calami, id omne vetustas legit, vidit, laudavit, æstimavit. Historicorum volumina, Scriptorum annales, hos eventus rerum continent, has ipsas fatalitates exprimunt, quas antea actis temporibus idem Orbis est expertus. Circulo rotæ volvuntur anni, qui postquam suum absolverint cursum, iterum incipiunt rotari similes præteritis casus revolvendo. Fuerunt pensiles in aëre Semiramidis horti humanos oculos in admirationem rapientes, steterere profana Dianæ fana, pro quibus his quinquaginta laboratum est annis, sed heu dolendum! tantum excellentiæ opus diu novitate gaudere nequibat, omnia veterata in Orbe, nec quidquam novi nunc annosi aspiciunt Soles. Summo quis exambiat conamine vitreum fabricare Coelum, & tale jam vidimus Cœdroæ, cum suis planetis cursum absolvantibus. Prætendat quis spectatori hominum exponere oculo plenum stupore miraculum, & talia septem antiquitas recensuit. Aurea Neronis ædificentur Palatia, ære fusa Pergamorum restaurentur mœnia, construantur Mirmecidis opera, præteritorum sæculorum tantum redibunt acta, non verò quidquam de nova radice erigetur. Ponantur Memphitiæ pyramides, Rhodii Colossi, Acrocorynthei, & Septizonia, reverberent aërem pennis architec-tæ, columbæ, hæc omnia vetustatis non novitatis artefacta. Lustremus vastissima Neptuni Regna, verum in illis nil novi intuebimur. Cæra pignora ponticoralia primæ magnitudinis uniones profundis licet occultentur in undis, inde tamen, humana extractæ peritiâ in usus communes, convertuntur. Mentis oculos convertamus ad Montes, ex illis non primò sumptuosi eruntur adamantes, Princeps Metallorum aurum non primò effoditur, dudum Fossorum manus ingentes eruendis adhibuerunt curas. Ipsa natura prodigiorum Parens insolitum portentum parere non potest, cum jam tot miraculis, quot rebus totum impleverit universum. Prorsus novum summumque raritatis opus ferat, si quis ante Agamemnona non relatorum Scriptorum pennam in Codices, Marte & arte potentium Heroum dexteritatem ante Trœes, & arcades suos Aborigenes revocantiū, ad Lunam hominum gesta describeret, descripta exponeret Orbi ad legendum.

dum. Inusitatum foret, siquis cupidus raritatis Sarmatarum in bellis ante Premyslaum stratagemmata revocaret, quæ hucusq; ignota Orbi, quia ab antiquis suppressa. Plura unicò complectar verbò, quidquid tantum sagaci observamus pupillâ, hoc aliis observatum, quidquid mente præconcepimus, hoc jam præconceptum, quidquid annotamus, annotatum, & expressum intuemur.

ET jam, quæ protuli oraculum crediderim fore, ni ecce augustas Sacerrimæ Franciscanæ Religionis ingrediens Ædes, novum Sapientiæ prodigium, Sanctimonix raritatem, humilitatis centrum, eminentiæ apogæum, Seraphicæ Regulæ Paradigma, Divinissimum Bonaventuram S. R. E. Presbyterum Cardinalem, reverentiali oculo advertissem. Et hîc paulisper commorari libet, ubi DD. Cardinalis ad suæ Festivitatis diem, profundo cultu adest venerandus. Jam ultra alienas non ferar per oras, gratissimâ rerum novitatem, quærendo, cum Domi Coelestes raritates habeam, quæ mentes & animos rapiunt in stuporem. Sublimitas Divi Doctoris Sapientiæ, nullo intellectu attingibilis, concentratæ virtutes, congesta in unum, perfectio mirari facit universos. Quidquid enim sua in vita DD. Bonaventura gessit, hoc anteaetis sæculis inauditum, quidquid fecit, oculis non visum humanis, quidquid Divino repletus Spiritu scripsit, hoc rarissimum, quidquid cogitavit, creatæ Sapientiæ transcendens fuit. Prima frons Cardinalium, Purpurei Senatus Caput, cujus consiliò omnia regebantur prudentissimè, disponebantur suavissimè, ordinabantur tranquillissimè. Eminebat Divus Cardinalis in purpura, sed sic: ut profundum Humilitatis attingeret centrum. Christiani ad gloriam Orbis, sublime decus, & ornamentum, Divinissimus Bonaventura. Sic amore Divino flagrabat, sic piis Orationum versùs Coelum evolabat alis, ut nec Seraphim quidem altiùs ascendere posset. Exhibuit se ideam Sanctimonix, vitæ Christianæ normam, ut unum Divinissimum Bonaventuram imitarentur singuli, mirarentur universi. Vita integra Bonaventuræ novum sub sole, quia in humilitate sublimis, in eminentia humilis, innocuo commendata candore. Inter tot Cardinalium Ordines, Unus Bonaventura ingeniò altissimus, Sapientiâ rarissimus, Seraphicis ignibûs ardentissimus, vitæ innocentia, & perfectione nulli comparandus. Ergo præmissis legitimis antecedentibus, rectam inferam consequentiam, dum Divinissimum Bonaventuram Phœnicem inter Seraphicos ignes Divino Amore æstuantem, oratoria describam in Forma. Phœnicem Te Divino æstuantem Amore intitulavi. Doctor Bonaventura Divinissime, sed nihil novi proferam, quia omnium laudum encomia, omnium linguarum voces prætergressus es, parce tamen imbecillitati meæ Eminentissime Cardinalis, si quid eloqui conabor, ultra progredienti benedictionē impertiri dignare. Vos ve-

rò AA. SS. Si vobis novitas est, gratissima rerum de Phoenice Divinissimo Bonaventura, dicturo benevolas aures non negate.

Conveniens ne? prædicatum Phœnix, subjecto Divinissimo Bonaventuræ adinveni, Vos sapienti tantisper trutinatè ingenio, ego scrutatorem rerum Plinium hac in re consulam, & naturam Phœnicis declarabo. AA. Phœnice etenim una tantum supereminet Arabia, eò magnificentius quia unico, eo carius quia raro. Ad invidiam cæterarum Gentium, ab Hac Nobilissima Avi, nomen sortita Arabia, & jam communi omnium voce Phœnicia nuncupatur. Habet suas excellas laudes inquilinas Arabia, habet pro Domo Encomiastas, sed inde maxime laudanda, quòd ex omni genere avium præstantissimum in sinu suo complectatur Phœnicem, ad miraculum universi. Conspicuus enim decore, speciosus venustate, Magnificus splendore, Phœnix Regina volucrum Aquilæ præfert magnitudinem, ut nihil in illo vile, nihil exiguum videatur. Aureo fulgore circa collum amictus, ut suo à natura distinctorio præcellat, & excellat omnes. Elegantissimè dispositæ candidam faciem cohonestant ritulantes cristæ, roseum caput plumeus condecorat vertex, ut significet, Phœnices tantum ad magna nasci. Integer purpureis adornatus pennis, sic conveniens: Principem alitum velut murice rubere fulgenti. Mirabilem hæc rarissima avis construit nidum, svaveolentem colligit castam, thurisq; redolentes stirculos, in quibus confidet, ac solis radiis adusta se voluntariè comburit, ut ex cineribus lætior evolet, ac iterum renascatur. Consumptis bis triginta annorum lustris, cum se pressu canicie advertit, gaudet mori festivus in ortum speciali Coeli munere donatus Phœnix, virulentis repletas feris non inhabitat Regiones, venenosa colubrorum odit loca, lutosas pulverulentasq; aufugit valles, eminentiores tantum modo clivos exposcendo. Phœnicè more suo antiquitas, luminum Patri Titani in perpetuam dicabat hec catumben, eundem felicem appellando.

Hic fortunatus nimium Tytanius ales

Regna colit Solisq; plaga defensu iniqua

Possidet intactas agris animalibus oras.

Sanè Phœnix cæteras aves, præstantiâ excellit dignitate anteit, pulchritudine exsuperat venustate, & raritate supereminet omnes. Sanctiorem Phœnicem extra Arabiæ montes in firmamento Seraphicæ Religionis Divinissimum Bonaventuram, S. R. E. Cardinalem, mentis oculo advertite. Quem sapientia, & virtus eruditio, & probitas, sanctimonia, & pietas, adeò rarissimum, inter mortales ostenderunt, ut idem sit Divinissimum Bonaventuram, quod Phœnicè igne æstuantem nominare. Primam illius lucem umbratili lustro sermone, quam sibi ex Hetruria capessit gloriosam: Balneoregii nidum Divinissimi Phœnicis Bonaventuræ, dilecti ponunt Parentes, pro quo

quod non frondes, non ramōs petunt, sed devotas componunt manus;
 piis precibus fatigant Olympum, ut steriles Phoenicem Filium nan-
 ciscantur. Retardavit quidem Cœlum desideria Parentum, sed sic
 decuit; ut diu desudaret natura Phoenicem Cœlestem Bonaventurā,
 terris paritura. Fluunt guttatum annorum myriades, antequam de
 concha sumptuosus profluat unio, in cavernis montium lente adole-
 scit adamas, antequam efformetur, & coneris at: Proceræ arbores
 sæcularibus vegetantur augmentis, nec statim, quæ virga fuit alta
 Cedrus. Post longam tandem expectationem nichilominus Astris Jo-
 annis, & Ritelæ coronantur desideria. Serò, sed rarissimus Phoenix
 de utero Matris, tanquam de nido evolat Bonaventura Divinissimæ,
 ad unicum lætitiæ signum Parentum, ad raritatē Hetruriæ, ad gau-
 dium, & solamen universi. A Gratia suam originem sumpsit, ut
 gratus Superis, carus Parētibz singulis amabilis appareret. Nec ali-
 ter Sanctior Phoenix in Mundum prodire potuit, nisi ex Joanne, ve-
 lut Apocaliptica Aquila primordia desumendo. Scimus solem ab O-
 ceano assurgere, ab aquis in Zodiacum ascendere, Phoenix Divinis-
 simus Infans, Solis Justitiæ æstuans amore Baptismalibz persuadi-
 tur undis, ut ad ipsos evolet cœlos. magisq; charitatis flammis accē-
 datur. In sacro Baptismate Joannis insignitur, nomine Sedes Cœles-
 tium Gratiarum, virtutum Præcursor futurus. Inter aves nulla
 Phœnice præstantior, inter natos mulierum, quis major Joanne, ad-
 huc pendulus ab ubere Matris, & jam virtutes delibare cæpit, cui
 majori oblectamine fuere, jucundius arrisere palato, quàm tenerri-
 mis labris suavior lactatio. Pumilio corpore Bonaventura Divinissi-
 mus, plusquam Gyganteam præsetulit magnitudinem, in primo Ju-
 vente flore, plenas flagrantia probitatum casias, virtutum centifo-
 lia, gratissimos perfectionum odores, Sanctior Phoenix colligebat.
 Verè Phoenix in Infantia Bonaventura Divinissimus, etenim si ejus
 profundam humilitatem, majorem obedientiam, præcipuam ab ube-
 ribz abstinētiā, gratam affabilitatem, virginis pudore depictas
 genas observabimus, nil non magnum, nil sub Sole non novum, nil
 non rarum, nil non admirabile, reperiemus, ac prospiciemus. Vario
 virtutum adornatus, magnificum s. Virum monstrabat, eas puer cō-
 centrata habuit probitates, quàm pauci, aut nulli meruere senes, Fe-
 lix suo Phœnice Arabia, longe beatior Hetruria, Hesperia Dominio
 juncta. Quæ sicut ubertate Florentia, amantitate novus recreatio-
 nis Orbis, deliciarum Paradisus nuncupatur, ita præstantissimū Cœ-
 lestem Phœnicem edidit Divinissimam Bonaventuram, sua pulchri-
 tudine suō altissimō Ingeniō, Romanam Ecclesiam, singulos popu-
 los, populorum status suaviter recreaturum. Nobilis in gremio Lu-
 cinæ ablactatur Juvenis Bonaventura, Orbis universi in Præsidium,
 Parentem ad solatium, Sacerrimæ Religionis in ornamentum, ac

grande decus columenq; rerum. Sed heu! vesana fatorum rabies quæ non dedit, auferre cupit Phoenicem, alias DD. Pusioni inortem minatur atrocissimam. Cæcum Hoc Numen Libitina, nec Coelo quidē natis parcat, totum furendo per Orbem, & Cedros Libani, & humiles miricas, candida Lilia & violas, Pæstanas rosas & urticas, falce sua succidit adunca. Hinc & in Divinissimum irruit Infan-tem, suis inventis Juventam opprimit, innocentiam nocentem proclamat, vitæ Ejus, quâ nihil jucundius, nihil carius, stamina præscindere variis conatur modis. Boni Superi Bonaventuram defendite, en Sæ-ctiorem Phoenicem fata deplumare intendunt; Quem lapsum erigite, cadentem fulcite, ab impetu Parcarum protegite, à morborum sævitie relevate, à casibus fatalitatis vindicate, ut, quod sacrum non profanetur, quod magnificum non vile reddatur, quod rarum non pereat cum sonitu auræ. Hæc ego cum profero, & ecce gembunda Mater Ritela, sana applicat remedia, non jam copioso ære cœmit pharmacopolia, nec perfectissimos convocat Æsculapios, aut doctos quærit Podalyrios, sed cum piis precibus Divinissimi Patris Francisci subingreditur ædes, bene sibi persuasa, quod compositæ manus Francisci, Ejus Phoenicem, scilicet unicum Filium levabunt lethali à morbo. Offert in perpetuam Superis victimam, mæstissima Infan-tem Genitrix, has ad Coelos mittendo voces: Supreme Rector Olympi, ego afflicta Mater Unigenitum meum Tibi in obsequium reddo, *dic vive DEUS verbum, Qui unicò verbò creasti omnia, & meus Filius, Tuus verò servus, pristina fiet compos sanitatis.* Et hic dilecta Parens Unigenitum Bonaventuram verum esse demonstravit, Phoenicem, dum Eum Soli Justitiæ devovit, obtulit, consecravit.

Singulari Coelorum munere Bonaventura Divinissimus, iterum renascitur Mundo, dum vividiores reassumit vires, ac pristina restituitur valetudini. Nec cui stuporem pariat, quod invida fata in Divinissimum Infan-tem acerbius sævierint, molestius suum exeruerint furorem: Phoenix ut vivat igne comburitur. Divinissimus Bonaventura Sanctior Phoenix Divino æstuans Amore debuit ferventioribus aduri Mortis ignibus, ut sic verus probaretur, posteriores in annos succrescit Pusio DD, jam in adversis expolitus, velut ad Lydium lapidem aurum probatissimum. In tenero corpore, Bonaventuræ Gigas animus, exiguam pusillæ molis magnitudinem, doctrina & probitate, perfectione & pietate, extendebat. Crescebat non tam ætate, quàm sapientiâ; non tam augmentabitur corpore, quàm sanctimoniâ, de virtute in virtutem, de perfectione in perfectionē procedebat, indies venustissimorum morum incrementa sumendo. Juventus rem totam aperuit, quid in ulterioribus ætatis suæ partibus pertracturus erat. Non degenerat Vir à puero, consentit cum palmite vitis, cum pubescenti culmo arista, cum diluculo, meridi-

es serenus, vel opacus. Divinissimus Bonaventura, ea puer agebat, quæ illum Phœnicem demonstrabant. Insolentiam exosus, nugas non secutus & ineptias, ludicris & velitationibus non incumberebat, tempus quod nihil pretiosius in casum non consumebat, boni & honesti semper amantissimus, ut Phœnix Juvenum diceretur. Innata à natura Adolescentibus levitas, & inconstantia; Divinissimus Bonaventura cum eis nihil commune habuisse visus, maturitatis & constantiæ, gravitatis, & modestiæ alumnus fidelissimus. Scandebat pietatis gradus, devota ad DEUM evolabat mente, summò charitatis ferebatur desiderio, Phœnix Divino æstuans amore dicendus, domesticis in liminibus diu commorari renuit, ad Musas bicelli in Parnasso consistentes, advolat Phœnix Bonaventura, declives terræ linquit angulos, eminentiores poscit clivos, & bene: nullus convenientior Phœnici locus, quam Pindi vertices laureati. Bibit cum pietate Castalios Fontes, incrementa vel maximè percepit, virtutibus, & sanctimoniâ accrescendo. Figuras ad amussim calluit, se se in Figuram Phœnicis Cruci appensi componendo. Cæluras Pœticas ex cælo Salvatoris nostri corpore colligebat: Pegaseis instructus pennis Phœnix DD. in amana Tulli evolavit tempe, ad Luminæ Oratoria magis Divino arsurus amore, Reginæ animorum Eloquentiæ Majestatem in se transtulit, Princeps Purpuratus futurus. Phœnix nulla palustria inhabitat loca, eodem nomine insignitus Bonaventura, nullibi suavius, quàm pulchritudine, & jucunditate commendatis moratur in Campis. Si enim perorantem in Cathedra Togatæ Eloquentiæ Parens audisset, Bonaventuram Divinissimū prodigium Eloquentiæ, Phœnicem Oratorum appellasset. Quantum adamas inter simplices lapillos, Tytan inter astra minora, tantum inter Oratores Divinissimus Bonaventura Phœnix resplenduit, & inclaruit Universo. In Eurippo Philosophico felicior Jason, aureum scientiæ adnavigavit vellus, aureus Sipientiæ Phœnix. Maximus inimicus tenebrarū, continuò noctes atticæ Cleanthis lychnis illustrabat, ut etiam inter umbras ardentissimus videretur. Innatæ modestiæ spectaculum Divinissimus Bonaventura, parvæ de se opinionis Amator, evanidas Mundi voluptates pulcherrimè: per humilitatem eludit, dum post optatum studiorum remigium, ad Religionem Divi Patris Francisci bonis avibus fertur; ut ardentius amore DEI Seraphicis in ignibus Phœnix Bonaventura æstare possit. Verùm quod tam celeri tendis passu Bonaventura Divinissimè, Phœnix es, & in umbris Religiosis occultari prætendis? Phœnix es, & centrum humilitatis attingere desideras? En Mundus Te Phœnice unico oblectatur solamine, Illustræ Domus Cere, Te collustrant, quas in tenebras commutare in votis habes. Reflectere quid agis? Quid ad hæc Bonaventura Divinissimè, tenax propositi sui, nec Eum austeritas Religiosæ vitæ de-

B2 ter.

rerret ; nec domesticā retrahunt lenocinia ; nec mundanæ illecebræ præpediunt viam , novit benè ; quod etiam in annulo positus splendescit adamas, rosa pubescens etiam extra apricum Purpuram non amittit, melius gemmæ in argento, quam in auro refulgent. A cunis adhuc electam Religionem ingressus, Nominis magnitudinem sui non auctavit, imò majorem fecit Bonaventura Divinissimus, pietate in DEUM ferventissimus, fortitudine animi invictissimus, innocentia mentis purissimus, ibi locari debuit, unde eminentior prodiret, ac se Phoenicem Seraphicis in ignibus Divino æstuante Amore exhiberet Universo.

Vade Oratoris facundia, accingere itineri, ubi Phoenix Divinissimus Bonaventura Cassiano in monte consedit. Mirare potiùs ad radicem Montis hujus, quomodo Divinissimus Bonaventura pennis Divini Amoris sublimatus in altum, humilitatem profitetur, obstupesce! quomodo charitate æluat, quomodo nobilitate insignis, virtute conspicuus, minimus exoptat videri, Minorum Fratrum votis se se obstringendo. Hoc Ejus unicum fuit velle, nolle eminere, ingens magnitudo, humi serpere, qui inter Seraphicas umbras meridiana luce clarior, in centro humilitatis positus, major factus omnium, verè Phoenix proclamandus, Minoritarum adscitus numero, Bonaventura Divinissimus. Alexandrū de Ales Magistrum nactus, quàm per optimè: *simile simili gaudet* Sophorum axioma sonat: Diviniori Phoenici Bonaventuræ successit in Professore Ales, sub Hoc enim Alite Bonaventura plurimum profecit, multa didicit, majora percepit, sub Hoc inquam Alite, sublimi mentis acumine ad illud consumatæ sapientiæ evolavit culmen, quod raris mortalium, aut nullis attingere est concessum. Aristoteles supra Platonem, supra Chironem Achilles, supra Anaxagoram Pericles, supra Alexandrum de Ales, Phoenix Bonaventura. Stupet Professor, Divinam plane in Bonaventura Sapientiam non acquisitam, sed Cœlitus infusam, videt intaminatæ vitæ candorem, elevatā in DEUM mentem, profundā humilitatem, strictam Religiosæ vitæ observantiam, demissam modestiam, videt Amore erga Superos flagrantem, charitate æluantē, & attonitus hæret. Angelum magis, quàm hominem arbitrat, an veriùs loquar Phoenicem rarissimum præsupponit, exclamando: *Ecce verus Israelita, in Quo non est dolus, videtur in ipso Adam quodammodo non peccasse.* alias: ecce Phœnix rarissimus, amore DEI ferventissimus, ecce Phoenix sordes peccatorum, venena scelerum exosus, conscientiam suam labe piaculi non contaminavit nefandè. Ecce Seraphicis in ignibus, Divino æstuando Amore, Phoenix omnes proclivitates ad malū in cineres, & favillas abire laborat. Ecce purissima CrySTALLUS, quæ Soli Justitiæ adnota triumphales militanti Ecclesiæ accendit ignes. Ecce Sapientiæ epitome virtutum compen-

di-

dium, Sanctimonie imago, Fidei Orthodoxæ propugnaculum, Ec-
 clesie basis, Divinitatis norma, & quod idem est, Phoenix Divino
 æstuans amore. Magis quàm Veluvius, aut Siciliæ Æthna, charita-
 tis flammam evomit Bonaventura Divinissimus, cujus pectus plùsquàm
 vestalis ara, ad aras Superùm immortalium, assiduò pro Honore DEI
 zelosissimè, pro Ecclesia ardentissime, pro Fide orthodoxa ferventis-
 simè, Divinior Phoenix æstuabat. Stupendam Ejus modestiam, quæ
 lingua eloquatur? digna Cœlō gesta, quæ penna describet? quis ver-
 borum color? vivā Sanctitatis depinget ideam, en Bonaventura vi-
 lionibus se adhibet officiis, ægros visitat, servit infirmis, debiles le-
 vat, Fratrum obsequia præstat, strata vertit, cellulas purgat, se u-
 num servum omnium fecit, ut Nomen Phoenixis mereretur. Septi-
 mō Franciscana in Religione annō, & jam Vir ut octo habetur, nul-
 lus Eō sapientior, nullus Pietate perfectior, nullus Sanctimoniam cel-
 sior, & adhuc ferventiori nisu Phoenix altiora contendit, Cœlesti
 meditatione ad Superos fertur, nihil in Terris præter corpus habuit,
 conversationem suam in Cœlis reposuit, totus corde & animō in
 DEO. Habitus est virtus alibi, in nostro Bonaventura Phoenixe, i-
 dem quod Ipse, accidens alibi acquisito difficile separatu facillimū,
 in Eo id ipsum quod Ille, tunc non si potuisset separari ab Illo cū
 Ipse, à se Ipso disjungi. Vixit in carne, extra carnem, integer vitæ
 scelerisq; purus, Angelos si non naturā, tunc virtute excelluit, su-
 peravit, Phoenix hominum rarissimus adeò confederavit Sanctimo-
 niam scientiæ, scientiam sanctimonie, ut in Illo distinctim cerni nō
 possit. Omnigena perfectione plenus, subtili mente in sublimem
 sapientiæ, & probitatum elevatus Regionem, ut Ipsas Cœlorū Mo-
 trices Intelligentias sufficeret erudire. Phoenix inq; nō Divinissimus
 Bonaventura, Parisiensi Sorbonæ destinatus, Magister tantam disci-
 pulis propinavit aganippen, ut eorum animi scientiarum fluentis exu-
 berare viderentur. Felix Parisiensis Sorbona Phoenixe Bonaventura,
 Qui Eam suis pennis usq; totius Orbis ad invidiam sublimavit. Sa-
 cer hic sacrorum interpres, & scrutator, Spiritu Domini fervens, i-
 ta cuncta exponebat facillimè, enodabat lucidissimè, ut nec septua-
 ginta Ei sufficere lingvæ crederentur. Maximè in votis habuit, ul-
 timis jungi Fratrum catervis, minimus Sacerrima in Religione di-
 ci, ab infirmis non separari, cū tamen in omnibus Primatum te-
 nere non temere debuerit, quia Phoenix Divino æstuans Amore. Vi-
 dendo tandem Sacerrimi Francisci ordines, pares altioribus muniis
 Bonaventuræ lacertos, unanimi votorum calculō Eundem Generalē
 eligunt Ministrum. In hoc munere, Boni communis amantissimus
 Bonaventura omnibus affabilis, singulis amandus, reprehendebat de-
 fectus Fratrum, in charitate admonebat, in omni patientia, & do-
 ctrina, ut Phoenix in hoc Generalatūs officio spectaretur. Vacillan-

rem Religionem firmavit, Fratribus licentiam ademit, ad strictiorē observantiā Regulæ omnes pertraxit. Expressit in se vivam Patris Francisci ideam. Eundem in omnibus actionibus imitando, Divinū ad Amorem commovebat singulos, excitabat in cordibus charitatem, ut alios sicut se Ipsum Seraphicis in ignibus videret æstuant. Paulò post ad Eboracensem Episcopatum vocatur Phoenix Bonaventura, o! quàm Beata tanto Præsule Eboracensis Diocesis. O! quàm felices oves tanto Pastore fuissent, si Phœnicem Bonaventurā, innata modestia non excusasset, ac profunda humilitas præesse voluisset. Alii ad Illustres Honorum provolant Soles, etiam si nefandorum bubones scelerum, alii talpæ vitiorum meridiem eminentiæ videre prætendunt. Nemo ad Honores testudo, quilibet Aquilarum more in altum eluctari cupit, ut in auge resplendeat Dignitatum. Non trito virtutum & meritorum calle, sed pessima excessuum semita, ad Solia fastidioso nisu feruntur, ad fastigia etiam percalcata capita crescere non recusant, imò in votis habent. Divinissimus Bonaventura, Phœnix verè rarissimus, Præsuleum abigit pedum, inquilino non tantum Honore contentus, in apricum eminentiæ prodire renuit, satis splendoris habens ab ignibus Seraphicis, satis claritudinis ab æstu Divini Amoris. Pauper Francisci vestitus, magis Divinissimo complacuit Bonaventuræ quàm coruscus Præsulum amictus. Gemma non inserta coronis, suum non amittit valorem, nec virtus indiget splendore, quem satis ex se habet maximum. Sanctiores tenebræ satis gloriæ, & Eminentæ Divinissimo Bonaventuræ Phœnici attulerunt. Verum Doctor Divinissimus Bonaventura, Caput Eboracensi Insulæ inclinare recusas, illud Cardinalitiō Galerō supponere debebis; violaceum repudias amictum, purpureus murex Tuos Atlanteos induet lacertos, quem pridem Sapientia, & Pietas, Amor Divinus & Zelus, Honoris innocentia, ac probefacta meruerunt. Factum est: AA. ad instantiam innocentis vitæ, incomparabilis sapientiæ suffragante Gregorii X. favore in Archiepiscopum Albanensem, ac Cardinalem assumitur, hanc Dignitatem diu recusabat, Galerum à Summo Pontifice per legatos sibi transmissum proximæ frondi appendit, sed urgente gravi necessitate non tam libenter, quā reverenter debuit acceptare. Et jam totus purpureus apparet Phœnix Divinissimus Bonaventura, Romanam Ecclesiam, ac Orbē condecoraturus universum. Phœnix circa collum, tanquam aureum portat torquem, Divinissimus Bonaventura totum Caput Aurum optimum, sana vacillanti Ecclesiæ, titubanti Religioni consilia daturum, & ita decuit ut Bonaventura Phœnix Seraphicis in ignibus Divino æstuans Amore purpureo resplenderet in Senatu, sic decuit, ut raritas maxima in Vaticano Romano sub clavibus Apostolicis asservaretur, sic decuit; ut ubi omnes Hæresiarcharum excōmunicabantur


79
tur errores, falsa damnabantur dogmata; Phoenix Bonaventura Divinissimus, ea suis pennis ab Ecclesia Catholica proscriberet, sed nec Rosa sine sentibus, nullus liber à tinea liber, nulla Virtus sine æmulo, nulla gemma sine concha. Gelardus homo, quem non dicam nequissimum, sed ipsam nequitiam, non improbum, sed ipsam improbitatem, non infamem, sed ipsam infamiam, non pestilentum, sed ipsam pestem, Phœnicem ægerrime ferens, ac si Phœnici suæ pennæ decissent, clandestine libellum, famam Minoritarum, & Bonaventuræ lædentē conscripsit, ac nec oculis dignum quidem humanis, in lucē publicam edidit, Phoenix Bonaventura, contra hanc pestē, rescripto suo pugnavit, inequtiam illam, cristas attollentem debellavit. Blasphematoris ausum compescuit temerarium, longè majora operatus est Divus Bonaventura, dum conjuratos Ecclesiæ hostes edomuit, errores proscripsit, beatiùs vivendi, Regulam præscripsit. Præses Concilii Lugdunensis, à Gregorio X. designatus, vix Lugduni stetit Bonaventura, at Græcorū stultitia, sublimi Ejus confunditur sapientia, tollitur mala opinio, ac falsitates deteguntur. Orientalem Ecclesiā Romæ univit, unum Orbis Caput demonstrando. Hæc operantur Bonaventuram, dum malefani vident Græci, suos abjurant errores, perversitates palam fatentur, stupent in Bonaventura prudentiā, mirantur ferventissimum Zelum, ac Phœnicem Divino æstuantem Amore pronò cultu adorant. Mitto Phœnicis Bonaventuræ sapientiā, non enumero tot codices, tot volumina ad instructionem Orbis cōscripta. Prætereo quomodo Phœnix Divinissimus Acephalam Ecclesiam diu impatiens, discordes Cardinalium composuit animos, scissa univit corda, rupta reparavit vota, absq; ulla controversia, Verum Legitimumq; Pontificem Theobaldum elegit, nominavit. Quidquid Bonaventura dixit oraculum, quidquid scripsit miraculum fuit, ex Fonte Increatæ Sapientiæ, scientificas delibavit venas, Phœnix Sapientum, Phœnix Cardinalium, Phœnix Fratrum Minoritarum, & ut veriùs dicam, Seraphici in ignibus Divino amore æstuans, Phœnix adorandus. Post Exantlatos tandem Seraphica in Religione, purpureo in Senatu, pro DEO, pro Fide, pro animarum Pietate labores, Divino succensus Amore, crematur Bonaventura Divinissimus, ut Coelo renascatur. Mortalem vitam agendo, immortalia fecit, lethi expers, quia Phœnix exstitit, omnia Coelò digna operatus est, meruitq; super Astra referri. Et hinc jam Oratoris cessant spiritus, ubi Phœnix Divinissimus Coelo renatus, Beatiorem sperat vitam. Habitantem lucem inaccessibilem admotus, ferventiùs Divino æstuat Amore, verum Oratoria extingvit lumina, non prætendit, Phœnix Bonaventura eruditā elevare pennā, postquam ad Coelos evolavit.

Congratulor magnæ felicitati Vestræ Religiosissimi in Christo Patres, quod usq; ad invidiam Orbis habeatis Seraphicis in ignibus


Divino Amore æstuantem Bonaventuram Divinissimū. Vestra enim
 inde Gloria, Vestrum encomium est, quod Minoritæ, maximos eru-
 ditione, Sapientiâ, & Sanctimoniâ, non minores Viros, Orbi uni-
 verso demonstratis. Permittite mihi velum modestiæ Vestræ retege-
 re, videbit Orbis Pontifices, Cardinales, Episcopos, Reges, Princi-
 pes, Confessores, Martyres, & innumeros sanctitate commendatos
 Viros, Seraphicis in umbris se se occultantes. Verè Sacerrima Vestra
 Religio nidus Phoenicum est, quæ eruditione totum implevit Orbē.
 Manus quas sacro gentis in Stemmate, Vos versùs Cœlum attollūt,
 demonstrando fideles in Vineâ Christi Operarios. Et quoniâ omnia
 Cœlō digna agitis, undè Vos ipsum laudet Cœlum, ego tacere co-
 gor. Ad Te nonnisi Phoenix Bonaventura refugio, ut tuīs pennīs no-
 bis Privilegium omnigenæ prosperitatis subscribere digneris. Age
 Bonaventura Divinissime, ut sub Tua Protectione Polona nidificet
 Aquila, ab Hostium fulmine immunis futura. Age Divinissime Car-
 dinalis, ut in Rota Illustrissimi Capituli Culmensis. Ipsi tantum cum
 successu rotentur Honores. Murices, Galeri, Infulæq; volvantur.
 Novicolli Civitati, & nostris Culmensibus Scholis, fortunatos impe-
 tra progressus. Nos verò Academici per Sceptraferam nostram jura-
 mus Crucem, quod Te Philadelphico semper prosequemur can-
 dore, & Phoenicem Seraphicis in ignibus Divino æstuantem
 Amore propalabimus, ut Ego hæcenus propalavi, &

D I X I.





Biblioteka Jagiellońska



stdr0025787

